



Villreinnemnda for Nordfjella, Fjellheimen og Raudafjell

Vår dato:

26.08.2025

Vår ref:

2025/13164

Dykkar dato:

Dykkar ref:

2025/3969

HOL KOMMUNE
Ålmannvegen 8
3576 HOL

Saksbehandlar, innvalstelefon

Hermund Mjelstad, 5764 3124

Søknad om dispensasjon - Karistøltangen 29 - gbnr. 55/489 - ny fritidsbustad og garasje - Hol kommune

Villreinnemnda viser til oversending frå Hol kommune 22.08.2025.

Bakgrunn

Det er søkt om dispensasjon frå plankrav for riving av fritidsbustad på 95 m² og oppføring av ny på 186 m². I tillegg skal det førast opp garasje med to biloppstillingsplassar. Eigedommen ligg på om lag 997 moh og ligg i eit etablert hyttefelt. Avstand til randsona for villrein i regional plan for Nordfjella er noko over 1 km. Overnattingskapasiteten blir ikkje auka. Karistøltangen er ein halvøy som stikk ut mellom Sløddfjorden og Ustevatnet. Det er veg ut på tangen og det er spreidd fritidsbusetnad.

Villreinnemnda er ei statleg nemnd som har som ei hovudoppgåve å sjå til at villreinområda våre ikkje blir forringa, og ikkje gjev dårlegare levevilkår for villreinen gjennom året. Dette gjeld for alle villreinområda, men fokuset skal vere ekstra sterkt i dei oppretta nasjonale villreinområda.

Vurdering

Generelt er villreinnemnda kritisk til bygging av nye fritidsbustader, og anna aktivitet, som ligg inn mot leveområdet til villreinen i Nordfjella. I denne saka ligg tiltaket og om lag like nært Hardangervidda villreinområde. Det er naturleg at mykje av ferdsla frå hyttefeltet går inn i beiteområda og leveområda for reinen, og kan føre til at områda går ut av bruk. Det er denne totale auken i aktivitet og ferdsle som er negativ. Bit-for-bit nedbygginga av naturen er eit av dei største trugsmåla for å kunne ta vare på villreinens leveområde for framtida og som villreinnemnda er uroa for.

Kunnskapen om villrein og prioriteringane for å ta vare på villreinen, og leveområda til villreinen, har fått auka merksemd dei siste par åra. Vi kan nemne kvalitetsnorma for villrein der Nordfjella villreinområde ble klassifisert med raud status, dvs. dårleg kvalitet. Det er i norma vurdert at

E-postadresse:
sfvlpost@statsforvalteren.no
Sikker melding:
www.statsforvalteren.no/melding

Postadresse:
Njøsavegen 2
6863 Leikanger

Villreinnemnda leiar:
Trygve Skjerdal, Skjerdalsvegen
114, 5745 Aurland
Tlf. 97526883
E-post:
trygve.skjerdal@privat.alb.no

Sakshandsamar:
Hermund Mjelstad
Tlf. 57643124
fmsfhm@statsforvalteren.no



arealbruken til reinen på sørsida av Hallingskarvet i vesentleg grad er påverka av ferdsle. Reinen har her ei arealunnviking på over 90%, både på sommar- og vinterbeite.

Stortingsmeldinga om villrein ble lagt fram i 2024, og det er utarbeidd tiltaksplanar som har som mål å betre situasjonen for villreinen. To av tiltaka for å nå måla er relatert til hyttebygging: arealforvalting og ferdsle. For å nå målet om å betre tilstanden til villreinen i Nordfjella, må ferdsla inn i området avgrensast.

Tiltaket det er søkt om her er riving og nybygging av ein fritidsbustad, ny garasje og tekniske tiltak. Det inneber ikkje auke i tal sengeplassar frå dagens situasjon. Den totale aktiviteten og ferdsla vil derfor truleg ikkje auke med tilbygga. Når tiltaket ligg midt inni etablert hyttefelt, meiner vi det omsøkte tiltaket ikkje vil ha spesielle negative effektar på villreinen i Nordfjella. Det er sjølvsagt uheldig uansett med den totale aktiviteten i hyttefelta i Hol kommune som inneber mykje anleggsarbeid, motorferdsle og anna som følgjer med. Det er vanskeleg å vurdere i kva grad dette har innverknad på villreinens bruk av beiteområda mellom skarvet og hyttefelta.

Alle tiltak som kan ha ei verknad på villreinens habitatbruk og overleving må vurderast basert på tilgjengeleg kunnskap for områda. Dette gjeld òg i enkeltsaker, der ein må sjå på den samla belastninga tiltaket vil kunne medføre på villreinstamma. Det er i fleire andre «villreinkommunar» i Sør-Noreg mange slike saker, som kvar for seg er uproblematisk, men som i sum likevel fører til ein bit-for-bit utbygging som er klårt uheldig, dersom vi skal ha håp om å ta vare på villreinens leveområde for framtida. Vi viser og til våre uttaler i liknande saker i Hol kommune i 2024 og 2025.

Konklusjon

Villreinnemnda har ikkje avgjerande merknadar til det omsøkte tiltaket. Vi ventar elles at kommunen vurderer nøye dei mange søknadane i kommunen om nybygging, tilbygg, uthus osb. i område som ligg nært inn til villreinens leveområde i Nordfjella. Det er summen av alle tiltaka som kan føre til at område som villreinen har nytta, og kan nytte i framtida, kan komme til å gå ut av bruk. Vi ber derfor kommunen om å vere varsam med å gje dispensasjonar til slike tiltak som kan kome i konflikt med nasjonale naturverdiar som t.d. Nordfjella villreinområde.

Med helsing

Trygve Skjerdal
leiar

Hermund Mjelstad
sekretær

Dokumentet er elektronisk godkjent

Kopi til:

Statsforvalteren i Østfold, Buskerud, Oslo og Akershus
BUSKERUD FYLKESKOMMUNE

Postboks 325	1502	MOSS
Hauges gate 89	3019	DRAMMEN

